

North Sotho - Agape Mangwalo - God's Love Letter Scriptures

Johane 15:9 Ke le ratile bjalo ka ge Tate a nthatile. Dulang le le leratong la ka.

Jesaya 43:1 Bjale yena Mmopi wa gago, wena Jakobo, e a go dirilego, wena Isiraele, o bolela o re: Se boife, gobane ke go lopolotše; ke go biditše ka leina la gago, o wa ka.

Jeremia 1:5 Ke go tsebile mola ke sešo ka go bopa mo mmeleng wa mmago, o sešo wa belegwa, ka go bea gore o be moporofeta wa ditšhaba.

Johane 15:16 Ga se lena le ntlhaotšego; ke nna ke hlaotšego bolena, ka le bea gore le ye le bee dienywa; mme dienywa tša lena di dule di le gona, gore se le kago se kgopela go Tate ka leina la ka, a le nee.

3 Johane 1:2 Morategi! Ke go belaelela go letlegelwa ke tšohle le go phela o thabile, bjalo ka ge o letlegetšwe ke tša moyo.

Jesaya 43:4 Ke hwetša o ratega, o le wa thekokgolo. Mme nna ke a go rata, ka ntšha batho le ditšhaba tša go rekolla bophelo bja gago.

Jeremia 31:3 Morena o ikutollotše ka mmona kgole; a re: Ke go ratile ka lerato le le sa felego; ke ka baka leo ke go gogelago go nna ka botho.

Hosea 11:8 Efuraimi, a nka go lahla? Isiraele, a nka go hlala? A nka go dira tša Adema? A nka go bapetša le Tseboima? Pelo ya ka e a gaoga; e bela ka go ba kwela bohloko.

Johane 3:16 Gobane Modimo o ratile lefase gakaakaa, a ba a le nea Morwa wa gagwe e a tswetšwego a nnoši, gore mang le mang e a mo dumetšego a se ke a lahlega, a be le bophelo bjo bo sa felego.

Jesaya 49:15,16 Afa mosadi a ka lebala leseanyana lagwe, a lesa go šokelwa ngwana yo a mmelegego? -- Le ge yena a ka lebala, nna nka se go lebale. 16 Ruri leswao la gago ke le tloketše atleng tša ka; ke hlwa ke lebeletše merako ya gago ka mehla.

Jesaya 41:13 Gobane nna Morena ke Modimo wago; ke go swere ka seatla sa ka sa le letona, mme ke bolela nago ke re: Se boife, ke nna ke go phološago!

Mateo 28:20 le ka go ba ruta go boloka tšohle tše ke le laetšego tšona. Gomme tsebang, ke na le lena ka mehla go fihla bofelong bja lefase.

Johane 14:1 Dipelo tša lena di se tšhoge; dumelang Modimo, le nna le ntumele.

Jesaya 41:14 Se boife, Jakobo, mokasebokwana, lena bathwana ba Israele! Ke nna ke le phološago! O realo Morena, Molopolodi wago, Mokgethwa wa Israele.

Jesaya 43:2 Ge o tsena gara meetse, ke tlo ba le wena; ge o sela dinoka, di ka se ke tša go tšea; ge o phatša mello, o ka se ke wa fsa, o ka se tlabolwe ke kgabo.

Dipsaleme 23:1-6 Sefela sa Dafida. 1 Morena ke modiši wa ka; nka se hloke selo. 2 O nkutamiša mafulong a matala; o nkiša meetseng a makhutšo. 3 O lapološa moya wa ka; o ntshepediša mmileng wa go loka ka baka la leina la gagwe. 4 Le ge nka sepela molapong wa moriti wa lehu, nka se boife bobe, gobane o na le nna; molamo wa gagwe le lepara la gagwe di nkuša pelo. 5 O nkabela dijo, manaba a ka a ntebeletše; o ntlotša hlogo makhura; senwelo sa ka se tletše wa go falala. 6 Tše botse fela le kgaugelo di tlo ntatela mehla yohle ke sa phela. Gomme ke tlo fetša bontši bja matšatši ke dutše Ngwakong wa Morena.

Johane 14:27 Ke le tlogelela molao; ke le fa molao wa ka. Nna ga ke le nee ka mo lefase le neago ka gona. Dipelo tša lena di se hiduege, di se šie.

Bafilipi 4:7 Gomme khutšo ya Modimo, ye e fetago tlhaologanyo yohle, a e boloke dipelo tša lena le kgopolon tša lena go Kriste Jesu.

Diema 3:24 Ge o robetše, o ka se tširuge; o tlo robala wa natefelwa ke boroko.

Dipsaleme 4:8 Ke wa pelo, mme ke lala ka robala; gobane e a nkagišago ka iketla ke le nnoši, ke wene Morena.

Dipsaleme 33:18 Tsebang gore leihlo la Morena le bona ba ba mmoifago, ba ba letetšego kgaugelo ya gagwe,

Baroma 5:2 Ke yena yo re bonego tsela ka yena, tsela ya go fihlela kgaugelo ye re emego ka yona re kgantšha letago la Modimo le re le holofetšego.

Jesaya 55:12 Ka kgonthe, le tlo wela tsela le thabile, la iketla le etetšwa, dithaba le meboto ge le fihla di le hhalalela ka mekgolokwane, magoswi a opša ke mere ka moka ya naga.

Johane 16:22 Lena bjale le na le manyami. Fela, ke tlo boela ke le bona, dipelo tša lena tša tlo thaba; gomme lethabo leo la lena le ka se le amogiwe ke motho.

Luka 12:9 Gomme e a latolago pele ga batho a era nna, le yena a ka se tsebja pele ga Barongwa ba Modimo.

Mateo 10:30 Ešita la meriri ya dihlogo tša lena e badilwe ka moka!

Jesaya 54:10 Dithaba di ka tloga, le meboto e ka tekema; ge e le kgaugelo ya ka yona e ka se ke ya go tloga; mme kgwerano ya ka ya khutšo e ka se ke ya tekema!

Mateo 11:28-30 Tlang go nna bohle ba le lapišitšwego, ba le imelwago; nna ke tlo le khutšiša. 29 Le ithweše joko ya ka, le rutwe ke nna; gobane ke yo bolo le wa pelo e kokobetšego; mme le tlo hwetša khutšo ya meoya ya lena. 30 Gobane joko ya ka ga e robe, morwalo wa ka ke o bohwefe.

Sefela sa Difela 2:10 Moratwa wa ka o bolela le nna o re: Tsoga, wena moratwa wa go kgahla, o tle hle!

Hosea 2:14,19,20 Tsebang! E tlo ba ka baka leo ge ke mo goketša ka mo iša lešokeng, ka yo mo fepeletša. 19 Ke tlo go dira m meeletšwa wa ka ka molao le ka toko, le ka botho le ka kgaugelo. 20 Ke tlo go dira m meeletšwa wa ka ka potego, mme wa tlo tseba Morena.

Eksodo 3:14 Modimo a botša Moshe a re: Ke nna E A LEGO GONA; a re: Ba botše o realo, o re: Ke romilwe ke yena Mobagona, ka tla go lena.

Hosea 13:4 Mme nna ke Morena Modimo wa gago go tloga nageng ya Egipita; ga o tsebe Modimo ge e se nna; mme ga go Mophološi ge e se nna.

Johane 15:14 Lena le bagwera ba ka, ge le dira tše ke le laelago tšona.

Kutollo 3:20 O tsebe gore ke eme mojako, ke a opaopa. Ge motho a ekwa lentšu la ka a bula mojako, ke tlo tsena go yena ka lalela nae, yena a lalela le nna.

**Pastor T. John Franklin
Church of Salvation, Healing, and Deliverance
COS-HAD.org**